

**«Жас Ұлан» бірыңғай балалар мен жасөспірімдер ұйымы»
республикалық қоғамдық бірлестігі**

**«Ұланбасы» сайлауы туралы
ЕРЕЖЕ**

АСТАНА 2012

1 бөлім. Жалпы ережелер

Берілген ереже Қазақстан Республикасы мектептерінде «Ұланбасыны» сайлау жұмысын ұйымдастыру мен өткізуге байланысты іс-шараларды реттейді.

«Ұланбасы» - «Жас Ұлан» көшбасшысы, оқушылардың өзін-өзі басқару органының жетекшісі болып есептеледі, мектеп оқушыларының қоғамдық қызметін басқарады, оқушылар мен мектеп әкімшілігінің өзара қатынастарын жүзеге асырады, мектеп қызметін жақсарту мақсатында өзінің және оқушылардың атынан ұсыныстар енгізеді, оқушылар мен ұстаздар арасында туындаған мәселелерді шешуге атсалысады, түрлі әлеуметтік жобалар мен шараларды ұйымдастырады.

Мектептердегі «Ұланбасы» сайлауы жасырын дауыс беру арқылы жалпыға ортақ, бірдей және тікелей сайлау құқығын негізге ала отырып өткізіледі.

2 бөлім. Сайлау органдары

1. «Ұланбасы» сайлауын ұйымдастыруды дайындайтын және өткізетін сайлау органы болып мектептегі сайлау комиссиялары есептеледі. Бұл сайлау комиссиялары тиісті мектептерде «Ұланбасы» сайлауын ұйымдастыру мен өткізуді қамтамасыз етеді.

2. Мектептегі сайлау комиссиясының құзыреттілік мерзімі: сайлау өткізілу уақыты.

3. Мектептегі сайлау комиссиясы құрамына 5 адам кірген «Жас Ұланның» мектептегі кеңесі арқылы тағайындалады.

4. Мектептегі сайлау комиссиясының мүшелері мектептердің өкілдері, «Жас Ұланның» мүшелері болып табылады.

5. Сайлау комиссиясының мүшесі бола алмайды:

- 1) «Ұланбасы» болуға үміткер;
- 2) «Ұланбасы» болуға үміткердің сенімді адамдары;
- 3) «Ұланбасы» болуға үміткердің жақын туыстары.

3 бөлім. Сайлау бөлімшелері

Дауыс беруді өткізу мен дауыстарды есептеу үшін «Жас Ұланның» мектеп кеңесі оқу орындарының әкімшілігімен келісе отырып мектептік сайлау бөлімшелерін дайындайды.

4 бөлім. Сайлау күнін белгілеу, үміткерлерді тағайындау

1. Қазақстанның барлық мектептерінде «Ұланбасы» сайлау мектепішілік оқу үрдістен тыс қыркүйек айының үшінші аптасына дейін өткізілуі тиіс.

2. Сайлау күні туралы хабарлама оқушыларға алдын ала ескертілуі қажет.

3. 8-10 сынып оқушылары «Ұланбасы» бола алады.

4. Үміткерді тіркеу келесі құжаттар арқылы өткізіледі:
- 1) мектептік сайлау округі бойынша сайлануға үміткер өтініші;
 - 2) үміткердің өмірбаяны;
 - 3) ұстаздар, сынып жетекшісінен, достарынан мінездемелер (3-тен кем емес);
5. «Ұланбасы» болуға үміткерлердің саны шектелмеген.

5 бөлім. Сайлауалды ақпараттық насихат жұмысы

1. Сайлауалды ақпараттық насихат жұмысы келесі бағыттарда іске асырылады:

- көпшілікке арналған сайлауалды шаралар өткізу арқылы (сайлауалды жиналыстар, көпшілік алдында сайлауалды пікірталастар ұйымдастыру);

- ақпараттық материалдар басып шығару және тарату арқылы.

2. Үміткерлер өзінің болашақ әрекеті туралы сайлауалды бағдарламаларымен таныстырады.

3. Сайлау күні кез-келген сайлауалды ақпараттық-насихат жұмысы тоқтатылады.

4. Үміткерлердің сайлау компаниясын жүргізуіне көмектесетін, сайлауалды ақпараттық насихат жұмыстарын өткізетін, үміткердің қызығушылықтарын қорғайтын сенімді адамдары болуға, ақпараттық-насихаттау тобын құруға құқығы бар (саны шектелмеген).

6 бөлім. Дауыс беру тәртібі

1. Дауыс беру үміткердің сайлау алды бағдарламасынан кейін сайлау күні өткізіледі.

2. Әр сайлаушы жеке дауыс береді.

3. Сайлаушылар 1-11 сынып оқушылары.

7 бөлім. Дауыс беру нәтижелерін анықтау

1. Дауыстарды есептеу сайлау комиссиясының мүшелерімен үзіліссіз дауыс беру нәтижелерін анықтағанға дейін жүргізіледі.

2. Әр үміткерге берілген дауыстар жеке саналады.

3. Сайлау жәшігі ашылғаннан кейін сайлау комиссиясы бюллетендер саны бойынша мыналарды анықтайды:

1) дауыс беруге қатысқан сайлаушылардың жалпы саны;

2) әр үміткерге берілген дауыс саны;

3) жарамсыз деп танылған бюллетендер саны.

4. Дауыстарды есептеу нәтижесі сайлау комиссиясымен тексеріліп, сайлау комиссиясының төрағасы мен мүшелері қол қоятын хаттамаға тіркеледі.

5. Сайлау қорытындысы мектеп стендінде және мектепшілік баспасөзде жарияланады.

6. Ең көп дауыс жинаған үміткер «Ұланбасы» болып саналады.